



卷四十九

書名 史記一百三十卷 慶長元和間古活字印本
 撰者 漢 司馬遷 撰，劉宋 裴駟 集解，唐 司馬貞 索隱，唐 張守節 正義
 卷 卷四十九
 內容分類 史-正史-分刻-史記
 索書號 貴重-30
 編號 B1112300

[彩色首頁1](#)
[彩色首頁2](#)

東洋文化研究所漢籍目錄 編號: B1112300
 東洋文化研究所漢籍目錄所藏漢籍善本文影像資料庫 索書號: 貴重-30
 漢籍善本文影像資料庫文本史記一百三十卷 慶長元和間古活字印本
 版權所有: 東京大學 東洋文化研究所
 使用上的注意事項

三皇本紀

補史紀 小司馬氏撰并注


小司馬氏云太史公作史記古今君臣宜應上自開闢下迄當代以為一家之首尾今闕三皇而以五帝為首者正以大戴禮有五帝德篇又帝世皆叙自黃帝已下故因以五帝本紀為首其實三皇已遷載籍罕備然君臣之始教化之先既論古史不合全關近代皇甫謐作帝王代紀徐整作三五歷皆論三皇已來事斯亦近古之一證今並採而集之作三皇本紀

雖復淺近聊補闕云

大皞氏風姓代燧人氏繼天而王母曰

所究研京東院學化文方東

No. 145



齊悼惠王

齊威王

齊宣王

齊宣王

齊宣王

不許複製

NOT TO BE REPRODUCED

東京大学東洋文化研究所



外戚世家第十九

史記四十九

索隱曰外戚紀后妃也后族亦代有封爵故也漢書則編之列傳中王隱則謂之紀而在列傳之首

自古受命帝王及繼體守文之君

索隱曰繼體謂非創

業之主而是嫡子繼先帝之正體而立者也守文者猶法也謂非受命創制之君但守先帝法度為之主耳非獨內德茂也蓋亦有外戚之助

焉索隱曰謂非獨君德於內茂盛亦夏之興有賢后妃非戚之親以助教化也

也以塗山

索隱曰韋昭云塗山國名禹所娶在今九江應劭云九江當塗有禹



墟大戴禮云商娶塗山氏之女謂之女橋生啓也而桀之放也以末

喜索隱曰國語桀伐有施人以末喜女焉與伊尹比而士夏韋昭云有施喜姓之

國末喜其女也殷之興也以有娥索隱曰有娥國名

而生契故詩云天命紂之殺也嬖妲己索隱曰國

比而士初有蘇國也已姓也妲字也包愷云

妲青丁周之興也以姜原及大任索隱曰系

上妃有郤氏之女曰姜原鄭玄箋詩云姜姓

擊國任姓之中女也而幽王之禽也淫於褒

姒索隱曰國語曰幽王伐有褒有褒人以褒

姒是其姓即龍繁之子褒人育而以女於幽

詞見國語故易基乾坤詩始關雎書義釐降

春秋譏不親迎索隱曰公羊紀裂繡來迎女

始不親迎夫婦之際人道之大倫也禮之用

唯婚姻為兢兢夫樂調而四時和陰陽之變

萬物之統也索隱曰以言若樂聲調能令四

成萬物是陰陽即夫婦也夫婦道和而能化

可

不慎與人能弘道無如命何甚哉妃匹之愛

索隱曰妃音配又如字君不能得之於臣索隱曰以言

情雖君父之尊而不奪臣子所好愛使移其本意是不能得也故曰匹夫不可奪志父

不能得之於子况卑下乎既驩合矣或不能

成子姓索隱曰鄭玄註禮記云姓者子能成

子姓矣或不能要其終索隱曰按謂有始不

有子姓而意不能要終如栗姬衛后等是豈非命也哉孔子罕稱

命蓋難言之也非通幽明之變惡能識乎性

命哉索隱曰惡音烏猶於何也

太史公曰秦以前尚略矣其詳靡得而記焉

漢興呂娥姁徐廣曰姁音泥羽反呂后姊字長姁也○索隱曰娥姁呂后字

按漢書小顏云呂后名姁字娥姁為高祖正后男為太子及

晚節色衰愛弛而戚夫人有寵索隱曰漢書云得定陶戚

姬其子如意幾代太子者數矣及高祖崩呂

氏夷滅氏誅趙王而高祖後宮唯獨無寵踈

遠者得無恙索隱曰爾雅云恙憂也一說古者野居露宿恙噬人蟲也故人

相恤云得 無恙乎 吕后長女為宣平侯張敖妻敖女

為孝惠皇后索隱曰皇甫謐云名媯 吕太后以重親故

欲其生子萬方終無子詐取後宮人子為子

及孝惠帝崩天下初定未久繼嗣不明於是

貴外家王諸吕以為輔而以吕祿女為少帝

后欲連固根本牢甚然無益也高后崩合葬

長陵關中記曰高祖陵在西吕后陵在東漢帝后同塋則為合葬不合陵也諸陵皆

如此祿產等懼誅謀作亂大臣征之天誘其統

徐廣曰一作喪卒滅吕氏唯獨置孝惠皇后居北宮

索隱曰在未央北故曰北宮○正義曰括地志云北宮在雍州長安縣西北十三里與桂

宮相近在長安故城中迎立代王是為孝文帝奉漢宗

廟此豈非天邪非天命孰能當之

薄太后父吳人姓薄氏秦時與故魏王宗家

女魏媪通索隱曰媪音烏老反然媪是婦人之屬是也生薄姬而薄姬父死山陰因葬焉

劉媪衛媪之屬是也

索隱曰顧氏按冢墓記薄父冢在會稽縣西北豫山上今猶有兆域豫音莊洽反○正義

正義

日括地志云穢山在越州會稽縣西北三里一名穢山穢音莊洽反又諸侯畔

秦魏豹立為魏王而魏媼內其女於魏宮媼之許負所相相薄姬云當生天子是時項羽方與漢王相距滎陽天下未有所定豹初與漢擊楚及聞許負言心獨喜因背漢而畔中立更與楚連和漢使曹參等擊虜魏王豹以其國為郡而薄姬輸織室豹已死漢王入織室見薄姬有色詔內後宮歲餘不得幸始姬

少時與管夫人趙子兒相愛約曰先貴無相忘已而管夫人趙子兒先幸漢王漢王坐河

南宮成臯臺

索隱曰按是河南宮之成臯臺漢書作成臯靈臺西征記云武

牢城內有高祖殿西南有武庫也○正義曰括地志云洛州汜水縣古東魏州故鄭之制

邑漢之成臯縣此兩美人相與笑薄姬初時約漢王

聞之問其故兩人具以實告漢王漢王心慘然憐薄姬是日召而幸之薄姬曰昨暮夜妾夢蒼龍據吾腹高帝曰此貴徵也吾為女遂

成之一幸生男是為代王其後薄姬希見高祖高祖崩諸御幸姬戚夫人之屬呂太后怒皆幽之不得出宮而薄姬以希見故得出從子之代為代王太后太后弟薄昭從如代代王立十七年高后崩大臣議立後燕外家呂氏彊皆稱薄氏仁善故迎代王立為孝文皇帝而太后改號曰皇太后弟薄昭封為軹侯

索隱曰地理志云軹縣在河內恐地遠非其封案長安東有軹道亭或當是所封也薄

太后母亦前死葬櫟陽北於是乃追尊薄姬父為靈文侯會稽郡置園邑三百家長丞已下吏奉守冢寢廟上食祠如法而櫟陽北亦置靈文侯夫人園如靈文侯園儀薄太后以為母家魏王後早失父母其奉薄太后諸魏有力者於是召復魏氏及尊賞賜各以親疏受之薄氏侯者凡一人薄太后後文帝二年以孝景帝前二年崩葬南陵

索隱曰按廟記云在南陵南十

里故謂之南陵按今在長安東灃水東原上名曰少陰在霸陵西南故曰東望吾子西望吾夫是也○正義曰括地志云南陵故縣在雍州萬年縣東南二十四里漢南陵縣本薄太后陵邑陵在東北去縣六里以吕后会葬長陵故特自起

陵近孝文皇帝霸陵徐廣曰霸陵縣有軹道亭

竇太后索隱曰皇甫謐云名倚房趙之清河觀津人也正義

曰在冀州棗強縣東北二十五里吕太后時竇姬以良家子

入及宮侍太后太后出官人以賜諸王各五人

竇姬與在行中竇姬家在清河欲如趙近家

請其主遣宦者吏正義曰謂宦者為吏主發遣宦官人也必置我

籍趙之伍中宦者忘之誤置其籍代伍中籍

奏詔可當行竇姬涕泣怨其宦者不欲往相

彊乃肯行至代代王獨幸竇姬生女嫫索隱曰嫫

音近後生兩男而代王王后生四男先代王

未入立為帝而王后卒及代王立為帝而王

后所生四男更病死孝文帝立數月公卿請

立太子而竇姬長男最長立為太子立竇姬

為皇后女嫖為長公主其明年立少子武為
代王已而又徙梁是為梁孝王竇皇后親早

卒葬觀津

索隱曰擊虞注決銀云竇太后父少遭秦亂隱身漁釣墜泉而死景

帝立太后遣使者填父所墜淵起大墳於觀津城南人間號為竇氏青山○正義曰括地

志云竇少君墓在冀州武邑縣東南三十七里於是薄太后乃詔有

司追尊竇后父為安成侯母曰安成夫人令

清河置園邑二百家長丞奉守比靈文園法

竇皇后兄竇長君

索隱曰決銀云建字長君

弟曰竇廣國

字少君少君年四五歲時家貧為人所略賣

其家不知其處傳十餘家至宜陽為其主入

山作炭寒卧岸下百餘人岸崩盡壓殺卧者

小君獨得脫不死自卜數日當為侯從其家

之長安

索隱曰謂從逐其宜陽之主人家而皆往長安為居也

聞竇皇

后新立家在觀津姓竇氏廣國去時雖小識

其縣名及姓又常與其姊採桑墮用為符信

上書自陳竇皇后言之於文帝召見問之具

言其故果是又復問他何以為驗對曰姊去

我西時與我決於傳舍中索隱曰決別也傳舍謂郵亭

傳置之舍蓋寶后初入宮時別其弟於傳舍之中也丐沐沐我索隱曰丐音蓋

丐者乞也沐米潘也謂乞潘為弟沐也請食飯我乃去於是寶

后持之而泣泣涕交橫下侍御左右皆伏地

泣助皇后悲哀乃厚賜田宅金錢封公昆弟

家於長安索隱曰公亦祖也謂皇后同祖之昆弟如寶嬰即皇后從昆弟子之

比亦得家於長安故劉氏云公昆弟謂廣國等也絳侯灌將軍等曰

吾屬不死命乃且縣此兩人兩人所出微不

可不為擇師傅賓客又復效呂氏大事也於

是乃選長者士之有節行者與居實長君少

君由此為退讓君子不敢以尊貴驕人實皇

后病失明文帝幸邯鄲慎夫人尹姬皆母子

孝文帝崩孝景帝立乃封廣國為章武侯索隱

曰地理志縣名屬渤海○正義曰括地志云滄州魯城縣長君前死封其

子彭祖為南皮侯索隱曰地理志縣名屬渤海○正義曰括地志云故

南皮城在滄州南皮縣北四里漢南皮縣也 吳楚及時竇太后從

昆弟子竇嬰任俠自喜將兵以軍功為魏其

侯索隱曰地理志縣名屬琅邪竇氏凡三人為侯竇太后

好黃帝老子言帝及太子諸竇不得不讀黃

帝老子尊其術竇太后後孝景帝六歲建元

六年崩索隱曰當武帝建元六年此合葬霸

陵遺詔盡以東宮金錢財物賜長公主嫖

王太后槐里人索隱曰皇甫謐云后名嬌音志地理志右扶風槐里本名

廢立正義曰括地志云大丘故城一名槐里亦曰廢丘城在雍州始平縣東南十里也

母曰臧兒臧兒者故燕王臧荼孫也臧兒嫁

為槐里王仲妻生男曰信與兩女索隱曰即后及兒姁也

而仲死臧兒更嫁長陵田氏生男蚡勝臧

兒長女嫁為金王孫婦生一女矣而臧兒卜

筮之曰兩女皆當貴因欲竒兩女索隱曰竒者異之也

漢書作倚乃奪金氏金氏怒不肯予決乃內

之太子宮太子幸愛之生三女一男男方在

身時王美人夢日入其懷以告太子太子曰此貴徵也未生而孝文帝崩孝景帝即位王

夫人生男索隱曰即武帝也漢武故事云帝以乙酉年七月七日生於倚蘭殿

也先是臧兒又入其少女兒姁索隱曰姁兒音沉羽反

姁生四男索隱曰謂廣川王越膠東王寄清河王舜常山王憲也景帝

為太子時薄太后以薄氏女為妃及景帝立

立妃曰薄皇后皇后母子母寵薄太后崩廢

薄皇后景帝長男榮其母栗姬栗姬齊人也

立榮為太子長公主嫖有女欲予為妃栗姬

妬而景帝諸美人皆因長公主見景帝得貴

幸皆過栗姬索隱曰適音栗姬日怨怒謝長

公主不許長公主欲予王夫人王夫人許之

長公主怒而日讒栗姬短於景帝曰栗姬與

諸貴夫人幸姬會常使侍者祝唾其背挾邪

媚道景帝以故望之索隱曰望猶責望謂恨之也景帝常

體不安心不樂屬諸子為王者於栗姬曰百

歲後善視之栗姬怒不肯應言不遜景帝恚心照之而未發也索隱曰曠音衙漢書作衙衙猶恨也長公主

日譽王夫人男之美景帝亦賢之又有一曩者所夢日符計未有所定王夫人知帝望栗姬

因怒未解陰使人趣大臣立栗姬為皇后大行奏事畢索隱曰大行禮官行音衙曰子以母貴母以子

貴索隱曰此皆公羊傳之文也今太子毋無彌宜立為皇后景帝怒曰是而所宜言邪遂案誅大行而

廢太子為臨江王栗姬愈恚恨不得見以憂

死幸立王夫人為皇后其男為太子封皇后

兄信為蓋侯索隱曰地理志縣名屬太山景帝崩太子襲

號為皇帝尊皇太后母臧兒為平原君正義曰德

州縣封田蚡為武安侯索隱曰地理志縣名屬魏郡○正義曰括

地志云武安故城在洛州武安縣西勝為周南七里六國時趙邑漢武安縣城也

陽侯索隱曰地理志縣名屬上郡○正義曰括地志云周陽故城在絳州聞喜縣東

二十九景帝十三男一男為帝十二男皆為里也

王而兒姁早卒其四子皆為王王太后長女

號曰平陽公主正義曰括地志云平陽故城即晉州城西面今平陽故城

東面也城記云堯築也次為南宮公主正義曰南宮冀州縣也次

為林慮公主索隱曰林慮縣名屬河內本名隆慮避殤帝諱改名林慮慮音

慮○正義曰林慮相州縣也蓋侯信好酒田蚡勝貪巧於

文辭王仲早死葬槐里追尊為共侯置園邑

二百家及平原君卒從田氏葬長陵置園比

共侯園而王太后後孝景帝十六歲以元朔

四年崩合葬陽陵正義曰括地志云陽陵在雍州咸陽縣東四十里

王太后家凡三人為侯

衛皇后字子夫生微矣蓋其家號曰衛氏正義

曰衛青傳云父鄭季為吏給事平陽侯家與侯妾衛媼通生青故冒衛氏出平陽

侯邑徐廣曰平陽侯曹壽尚平陽公主子夫為平陽主謳者

武帝初即位數歲無子平陽主求諸良家子

女十餘人飾置家武帝被徐廣曰三月上巳臨水被除謂之禊

吕后本紀亦云三月校還過軹道蓋與游字相似故或定之也○索隱曰小顏被音廢今

亦音拂謂被襖之遊水自潔故云被除也霸上還因過平陽主主見所侍美人上弗說既飲謳者進上望見獨說衛子夫是日武帝起更衣子夫侍尚衣軒中得幸正義曰尚主也於主衣車中得幸也上還坐驩甚賜平陽主金千斤主因奏子夫奉送入官子夫上車平陽主拊其背曰行矣彊飯勉之即貴無相忘入官歲餘竟不復幸武帝擇官人不中用者斥出歸之衛子夫得見涕泣請出上憐

之復幸遂有身尊寵日隆台其兄衛長君弟

青為侍中而子夫後大幸有寵凡生三女一

男索隱曰三女謂諸邑石邑及衛長公主後封為當利公主也男名據索隱

日即庚太子初上為太子時娶長公主女為妃立

為帝妃立為皇后姓陳氏索隱曰漢武故事云后名阿嬌即長

公主嫖女也曾祖父嬰堂邑侯傳至午尚長公主生后也無子上之得為

嗣大長公主有力焉徐廣曰即景帝姊嫖也以故陳皇

后驕貴聞衛子夫大幸恚幾死者數矣上愈

怒陳皇后挾婦人媚道其事頗覺於是廢陳

皇后索隱曰漢書云女子楚服等坐為皇后

廢后居長門宮故司馬相如賦云陳皇后別

酒乃為作頌以奏皇后復親幸作而立衛子

夫為皇后陳皇后母大長公主景帝姊也數

讓武帝姊平陽公主曰帝非我不得立已而

棄捐吾女壹何不自喜而倍本乎平陽公主

曰用無子故廢耳陳皇后求子與醫錢凡九

千萬然竟無子衛子夫已立為皇后先是衛

長君死乃以衛青為將軍擊胡有功封為長

平侯索隱曰地理志青三子在襁褓中皆封

為列侯及衛皇后所諸姊衛少兒少兒生子

霍去病以軍功封冠軍侯索隱曰地理志號

驃騎將軍青彌大將軍立衛皇后子據為太

子衛氏枝屬以軍功起家五人為侯及衛后

色衰趙之王夫人幸有子為齊王索隱曰王

名閔

夫人早卒而中山李夫人有寵有男一人為

昌邑王

索隱曰名勝正義曰名賀

李夫人早卒

索隱曰李延年之女

弟漢書云帝悼之李少翁致其形帝為作賦

其兄李延年以音樂

號協律協律者故倡也兄弟皆坐姦族是時

其長兄廣利為貳師將軍伐大宛不及誅還

而上既夷李氏後憐其家乃封為海西侯正義

曰漢武帝令李廣利征大宛國近西海故號海西侯也

他姬子二人為

燕王廣陵王

索隱曰漢書云李姬生且也

其母無

寵以憂死及李夫人卒則有尹婕妤之屬更有寵然皆以倡見非王侯有土之女士不可以配人主也

褚先生曰

正義曰疑此元成之間褚少孫續之也

臣為即時聞

習漢家故事者鍾離生曰王太后在民間時

所生子女者

徐廣曰名俗○正義曰按後封修成君者

父為金王

孫王孫已死景帝崩後武帝已立王太后獨

在而韓王孫名嫣素得幸武帝承間曰言太

后有女在長陵也武帝曰何不早言乃使使
往先視之在其家武帝乃自往迎取之蹕道

先驅旒騎出橫城門如淳曰橫音光三輔黃
圖云北面西頭門○正

義曰括地志云渭橋本名橫橋架渭水上在
淮州咸陽縣東南二十二里按此橋對門也

乘輿馳至長陵當少市西八里里門閉暴開

門乘輿直入此里通至金氏門外止使武騎

圍其它為其亡走身自往取不得也即使左

右羣臣入呼求之家人驚恐女亡匿內中牀

下扶持出門令拜謁武帝下車泣曰索隱
曰烏

百反蓋恢之解耳○正義
曰嘆責失聲驚愕貌也大姊何藏之深也

詔副車載之迴車馳還而直入長樂宮行詔

門著引籍正義曰武帝道上詔令通名
狀於門使引入至太后所通到

謁太后太后曰帝倦矣何從來帝曰今者至

長陵得臣姊與俱來顧曰謁太后太后曰女

某邪曰是也太后為下泣女亦伏地泣武帝

奉酒前為壽奉錢千萬奴婢三百人公田百

頃甲第以賜姊太后謝曰為帝費焉於是召
平陽主南宮主林慮主三人俱來謁見姊因
號曰脩成君有子男一人女一人男號為脩
成子仲索隱曰金氏之甥脩成君之子也而
名仲者與大外祖王氏同字恐非也
女為諸侯王王后徐廣曰嫁為淮南
王安太子妃也此二子
非劉氏以故太后憐之脩成子仲驕恣陵折
吏民皆患苦之

衛子夫立為皇后后弟衛青字仲卿以大將

軍封為長平侯四子長子伉為侯世子侯世

子常侍中貴幸其三弟皆封為侯各千三百

戶一曰陰安侯索隱曰名不疑地理志陰安
縣名屬魏郡○正義曰括地

志云陰安故城在魏州索隱曰二曰發干侯索隱曰

發干故城在博州堂邑縣西南二十三里

三曰宜春侯索隱曰名伉地理志宜春縣名
屬汝南○正義曰括地志云宜

春故城在豫州汝陽縣西六十七里貴震天下天下歌之曰生

男無喜生女無怒獨不見衛子夫霸天下是

時平陽主寡居當用列侯尚主主與左右議
長安中列侯可為夫者皆言大將軍可至笑
曰此出吾家常使令騎從我出入耳奈何用
為夫乎左右侍御者曰今大將軍姊為皇后
三子為侯富貴振動天下主何以易之乎於
是主乃許之言之皇后令白之武帝乃詔衛
將軍尚平陽公主焉

褚先生曰丈夫龍變傳曰蛇化為龍不變其

文家化為國不變其姓丈夫當時富貴百惡
滅除光耀榮華貧賤之時何足累之哉

武帝時幸夫人尹婕妤索隱曰韋昭云婕妤

聲類云幸也字亦從女漢舊儀邢夫人號姪

娥索隱曰服虔云姪音近姪徐廣音五耕反

也好也許慎云秦晉之間謂好為姪又方言

大夫衆人謂之姪何姪何秩比中二千石索

隱曰崔浩云中猶滿也漢制九卿已上秩一歲
滿二千斛又漢官儀云中二千石俸月百八

十斛容華秩比二千石

索隱曰二千石是郡守之秩漢官儀云其俸月

百二十斛又有真二千石者如淳云諸侯王相在郡守上秩真二千石漢律真二千石俸

月二萬按是二萬斛則二萬斛亦是二千石也崔浩云列卿已上秩石皆正二千石則是

真二千石也其云中二千石亦不滿二千石蓋千八九百耳此崔氏說今兼引而解之

好秩比列侯常從婕妤遷為皇后尹夫人與邢夫人同時並幸有詔不得相見尹夫人自請武帝願望見邢夫人帝許之即令他夫人飾從御者數十人為邢夫人來前尹夫人前

見之曰此非邢夫人身也帝曰何以言之對

曰視其身貌形狀不足以當人主矣於是帝

乃詔使邢夫人衣故衣獨身來前尹夫人望

見之曰此真是也於是乃低頭俛而泣自痛

其不如也諺曰美女入室惡女之仇

褚先生曰浴不必江海要之去垢馬不必騏

驥要之善走士不必賢世要之知道女不必

貴種要之貞好傳曰女無美惡入室見妬士

無賢不肖入朝見嫉羨女者惡女之仇豈不
然哉

鈞弋夫人姓趙氏河間人也

索隱曰漢書云武帝過河間望

氣者言此有奇女天子丞使使召之女兩手皆拳上自披之手即仲由是得幸號曰拳夫人後居鈞弋宮號曰鈞弋夫人列仙傳云發手得一玉鈞故號焉黃圖云鈞弋宮在城外漢武故事云宮在直門南廟記云宮有千門萬戶不可記其名也昭帝即位追尊太后父趙父為順成侯○正義曰括地志云得幸武鈞弋宮在長安城中門名堯母門也

帝生子一人昭帝是也武帝年七十乃生昭

帝昭帝立時年五歲耳

徐廣曰武帝崩年正七十昭帝年五歲耳

○索隱曰此褚先生之記漢書云元始三年生昭帝又誤按元始當作太始也衛太

子廢後未復立太子而燕王旦上書願歸國

入宿衛武帝怒立斬其使者於北闕上居甘

泉宮名畫工圖畫周公負成王也於是左右

群臣知武帝意欲立少子也後數日帝譴責

鈞弋夫人夫人脫簪珥叩頭帝曰引持去送

掖庭獄夫人還顧帝曰趣行女不得活夫人

死雲陽宮

索隱曰三輔故事云葬甘泉宮南後昭帝起雲陵邑三千戶漢武帝

故事云既殯香聞十里上疑非常人發棺無尸衣履存焉○正義曰括地志云雲陽宮秦

之甘泉宮在雍州雲陽縣西北八十里秦始皇作甘泉宮去長安二百里黃帝以來祭圓

丘處也時暴風揚塵百姓感傷使者夜持棺往

葬之正義曰括地志云雲陽陵漢鈞弋夫人陵也在雲陽縣西北五十八里孝武帝

鈞弋趙婕妤昭帝之母齊人姓趙少好清靜六年卧病右手捲飲食少望氣者云東北有

貴人推而得之召到姿色甚佳武帝持其手伸之得玉鈞後生昭帝武帝末年殺夫人殯

之而尸香一日昭帝更葬之棺但存絲履也宮記云武帝思之為起通靈臺於甘泉常有

一青鳥集臺上往來至宣帝時乃止封識其處其後帝閑居問

左右曰人言云何左右對曰人言且立其子

何去其母乎帝曰然是非兒曹愚人所知也

往古國家所以亂也由主少母壯也女主獨

居驕蹇淫亂自恣莫能禁也女不聞呂后邪

故諸為武帝生子者無男女其母無不譴死

豈可謂非賢聖哉昭然遠見為後世計慮固

非淺聞愚儒之所見也謚為武豈虛哉

索隱述贊曰

禮貴夫婦 易叙乾坤 配陽成化

比月居尊 河洲降淑 天曜垂軒

德著任姒 慶流娥嫵 建我炎曆

斯道克存 呂權大寶 寶善玄言

自茲已降 立嬖以息 內無常主

後嗣不繁

外戚世家第十九

史記四十九

楚元王世家第二十

史記五十

楚元王劉交者

正義曰年表云都彭城

高祖之同母

徐廣

曰一作父○索隱曰漢書作同父言同父以明異母也

少弟也字游高

祖兄弟四人長兄伯伯蚤卒始高祖微時嘗

辟事時時與賓客過巨嫂食

徐廣曰漢書云丘嫂也○索隱

曰應劭云丘姓也孟康云丘空也兄亡空有嫂也今此作巨巨大也謂長嫂也劉氏云巨

亦作嫂厭叔叔與客來嫂詳為羹盡爨釜索隱

曰爨音歷謂以杓歷釜旁使為聲漢書作爨音勞賓客以故去已而